

佛說普賢菩薩陀羅尼經宋三藏大師法天奉 詔譯
大金剛妙高山樓閣陀羅尼 宋西天三藏朝散大夫試鴻臚少卿傳教大師施護奉 詔譯
廣大蓮華莊嚴曼拏羅滅一切罪陀羅尼經 宋西天三藏朝散大夫試鴻臚少卿傳教大師施護奉 詔譯

佛說普賢菩薩陀羅尼經、大金剛妙高山樓閣陀羅尼、廣大蓮華莊嚴曼拏羅滅一切罪陀羅尼經



清刻龍藏佛說法變相圖

二經一呪同卷

盡二

佛說普賢菩薩陀羅尼經

大金剛妙高山樓閣陀羅尼

廣大蓮華莊嚴曼拏羅滅一切罪陀羅尼

經

盡二

佛說普賢菩薩陀羅尼經

宋三藏大師法天奉詔譯

歸依普徧虛空界 三世清淨平等因

性等法光正覺道 變化人天利樂身

示居十地自在位 行大施願度衆生

功德相嚴名普賢 今說真言祕密教

爾時普賢菩薩摩訶薩欲現廣大變化而入

三摩地名三界大自在入此三摩地已從清

淨虛空界現無數身猶如塵沙普徧大千一

切世界爾時一切佛刹所有一切如來舒其

右手摩普賢菩薩摩訶薩頂讚言善哉善哉
佛子汝今當說一切佛母最上陀羅尼法爾
時普賢菩薩身放千光普照十方一切佛刹
悉皆震動即說陀羅尼

怛你也合他引唵引曩謨引曩摩娑怛縛合

部縛你引濕縛合囉摩賀引部引誡引野阿

三摩三摩阿彌哆娑摩阿難陀娑摩誡曩

娑摩怛里合婆縛娑摩引尾引沙娑摩波囉

摩引囉他合娑摩娑縛合婆引縛娑摩怛他

引誡哆娑摩阿囉惹娑摩輸第娑摩沒馱娑

摩達里摩合怛他引誡哆引娑摩僧賀尾沙

摩娑摩瞿迦曩野娑引誡囉尾輸馱引路引

迦引囉沒馱合囉沒馱合尾惹野尾惹野

暗引鉢囉合設訖哆合曩野引曩野憾唧囉

引地瑟吒合曩三部引誡暗娑曩引囉野引

囉野達里摩合誡囉合馱囉馱囉惹野惹
野吽吽馱摩馱摩娑縛合賀引

爾時普賢菩薩摩訶薩說此陀羅尼已佛即
觀彼菩薩之身是過去先佛為悲愍一切眾
生現變化身滿於三界諸世間中爾時諸大

菩薩及天人阿脩羅等從一切金剛峯起離

自金寶莊嚴大富貴座來菩薩前而自唱言

南無大慈大悲無邊大功德海最上成佛大

陀羅尼法善能饒益過去未來現在三界無

數眾生令得安住大法之位佛言若人聞此

大陀羅尼法經無邊劫所作之罪皆悉除滅

亦能枯竭煩惱大海摧壞我見高山譬如

人見百千佛經無邊劫所作善根亦不能及

此真言功德此大陀羅尼是一切如來心圓

滿大功德海而能出生菩提智種成就一切

智地而諸佛法皆不能及此大陀羅尼名號假使百千那由他俱胝劫亦難得聞若有人於此經典受持讀誦恭敬供養彼等衆生善解總持能活慧命住如來位成就一切功德若有人讀誦此經一徧二徧乃至三徧彼人得最上功德能滅一切罪能斷一切煩惱復得值遇諸佛如來不受一切憂愁苦惱若於寂靜之處獨樹之下一心持誦彼人獲得一切成就之法衆所愛敬若有人於大林野結跏趺坐誦此經典滿於七徧彼人不久得大禪定斷一切煩惱復得普賢菩薩結跏趺坐而現於前若人隨自力分以香花供養誦此陀羅尼乃至因卧睡眠於其夢中見普賢菩薩舒其右手放法光明灌照身心作如是言善哉善哉佛子如來大曼拏羅轉身而得大

菩薩位身心安樂具大福德智慧常得見於普賢菩薩摩訶薩若人以慈悲心爲一切衆生讀誦此經彼人得十波羅蜜圓滿滅除一切煩惱罪垢復得天人衛護如來讚言佛子汝若依行不久當入普賢之地

佛說普賢菩薩陀羅尼經